



Ný-Valtýskan og landsrjettindin eftir Einar Benediktsson 1902

Bjarni Benediktsson – Benedikt Sveinsson – Einar Benediktsson – Ný-Valtýskan – Landsréttindi –
Landsrejettindin - Félagsprentsmiðjan – 1902

Tekið af vef Borgarskjalasafnsins

bjarnibenediktsson.is

Einkaskjalasafn nr. 360
Benediktarskjöl
Askja 5-1, Örk 6

©Borgarskjalasafn Reykjavíkur

Fjórtán Síðusíðan.

NÝ-VALTÝSKAN

OG

LANDSRJETTINDIN

EPTIR

EINAR BENEDIKTSSON.

REYKJAVÍK.

PRENTAÐ Í FÉLAGSPRENTSMIÐJUNNI.

1902.

þeim stjórnarskipunarlögum landsins, sem enn þá
eru gildandi (stjórnarskrá 5. jan. 1874, 61. gr.), er
ákvæðið, að þjóðin skuli með nýjum kosningum *leggja*
sinn dóm á breytingar eða viðauka á stjórnarskránni
er alpingi kynni að samþykka.

Nú hefur þingið samþykkt slika breyting, og nú á
þjóðin fyrir sitt leytí að láta álit sitt uppi um breyting-
una.

Það er ósatt, að þjóðin *hafi* þegar látið álit sitt
uppi í þessu efni. Það er *sögulega* ósatt, því að frumvarp
stjórnarinnar felur í sér ákvæði, sem konungsboðskapur
sá, er á undan fór, minntist ekki á og benti ekki til.
Og það er samkvæmt orðum og anda stjórnarskrárinna
sjálfar ósatt, að þjóðin *geti* bundið atkvæði sitt fyr-
irfram til fylgis við stjórnarskipunarbreytingu, sem á að
leggjast fyrir nýtt þing eptir nýjar kosningar.

Þeir menu, sem hafa ýmsra orsaka vegna greitt at-
kvæði með þessu stjórnarskipunarnýmæli á þinginu, hafa
sumir hverir látið heyra til sin í þá átt, að þeir hefðu
vissu um það fyrirfram, að þjóðin mundi ganga að þessu
— að hún væri bundin sjálf við það, sem þingið nú
hefði gjort. En það er ósatt og löglauast mál. *Atkvæði*
þjóðarinnar er frjálst um þetta mál og frjáls hugsun
í landinu hefur *stjórnskipulegan* rjett til þess að ræða
þetta mikilvæga mál fyrir næstu kosningar, fyrir næsta
þing og á næsta þingi með öllum þeim rökum og allri
þeirri nákvæmu ihugun, sem þýðing þess fyrir framtíð
Íslands sannarlega heimtar.

Úr athugasemdunum.

Við 1. gr. í frumvarpi alþingis (2. gr. stjórnarskrárinna) er þannig farið fram á að bætt sje, að ráðgjafinn skuli hafa aðsetur í Reykjavík, en fari svo opt, sem þörf gerist, til Kaupmannahafnar til þess að bera upp fyrir konungi í ríkisráðinu lög og mikilvægar stjórnarráðstafanir. Að þessar stjórnarathafnir sjeu bornar upp í ríkisráðinu, er nú sem fyr stjórnarfarsleg nauðsyn, og eins og það er *sjálfsögð meginregla*,* að málin sjeu borin upp af þeim ráðgjafa sjálfum, sem stendur fyrir þeiri grein mála, sem þau heyra undir, eins mun það og, þegar um íslensk mál er að ræða, vera *haganlegast í raun og veru*, að þau sjeu borin upp af ráðgjafa Íslands sjálfum, þar sem hann er nákunnugur högum og háttum landsins og stendur í beinu sambandi við alþingi. Og návist hans þar yrði *með öllu nauðsynleg þá*, er vafi kæmi upp um það, hvort eitt eða annað af þeim málum, sem hann vildi hafa fram í ríkisráðinu, stofnaði eigi eining ríkisins í hættu eða kynni eigi að skerða jafnrjetti allra danskra ríkisborgara. Því þar sem það *auðvitað gæti ekki komið til mála*, að nokkur hinna ráðgjafanna færí að skipta sjer af neinu því, sem er sjerstaklega mál Íslands, þá er það hins vegar eins sjálfsagt, að það væri *skylda allra hinna ráðgjafanna að mæla í móti*, ef Íslandsráðgjafinn gerði tilraun til að ráðast á annaðhvort þessara tveggja atriða, alveg á sama hátt og það væri rjettur og skylda Íslandsráðgjafans að mæla í móti, ef reynt yrði frá Dana hálfu að losa um sambandið við Ísland, eða halla jafnrjetti Íslendinga í konungsrikinu, á við aðra danska þegna.

*) Leturbreytingar gjörðar í endurprentuninni.

